

MUDNAAN MACALLIN BAA LEH (Maanso)

Dette diktet forteller oss hvor viktig det er å skaffe seg kunnskap.

Mugdigiyo iftiinkiyoo

Munkarkiyoo macruufka

Ma ay wada ekayne

Maashaa allaahuye

Munasalka quraankaa

Middaas marag kacaayee

Muwaadiniinta oo idil

Midkay ka aflaxaayeen

Mudnaan macallin baa leh

Mawjadaha aqoonta

Mirihii ka soo baxay

Midigtaan ku haynaa

Mufti caalimaa iyo

Maahir muhandisaa

Madaxdii wax maamusha

Muruqood ma maaline

Muwaadiniinta oo idil

Midkay ka aflaxaayeen

Mudnaan macallin baa leh

Maraakiibta quusta

Miigga duula meel sare

Marshadood kuwii hayey

Milateri ma jeestaa

Meeleeya maatada

Musuq aanan oggolayn

Muwaadiniinta oo idil

Midkay ka aflaxaayeen
Mudnaan macallin baa leh
Mashxaradda arooska
Midkuu eebbe ka uumo
Markuu miimka karoo
Maskaxdiisu bislaato
Malcamaddii quraankiyo
Muwaadiniinta oo idil
Midkay ka aflaxaayeen
Mudnaan macallin baa leh
Ma daalaha abwaanka
Masaxaayey murugtii
Malaayiin kunoo beyd
Maskaxdiisu qaadday
Markuu maago maansada
Murtidiisu wacan tahay
Muwaadiniinta oo idil
Midkay ka aflaxaayeen
Mudnaan macallin baa leh
Milkiilaha mashruucyada
Maalqabeenka muxsinkaa
Masaakiinta quudiya
Midigtiisu furan tahay
Muwaadiniinta oo idil
Midkay ka aflaxaayeen
Mudnaan macallin baa leh
Mashaa'ikhda masallaha
Masjidkiyo minhaajka

Mataankooda uu yahay
Maalintiyo habeenkii
Majliskay ahaadaan
Malaa'igtu xusaysay
Muwaadiniinta oo idil
Midkay ka aflaxaayeen
Mudnaan macallin baa leh
Ma tacbada bur weynaha
Ma gudbaha ka sii daran
Markay soo majiirtaan
Masayr uu madax qaadoo
Maqaamkooda gaaraan
Magacood kor ahaadoo
Mataalkoodu sarreeyo
Muwaadiniinta oo idil
Midkay ka aflaxaayeen
Mudnaan macallin baa leh